

Lehrtext: Dåt hüs

Önj dåt hüs boogt jü famili Hansen. Dåt hüs as ai grut. Et as jüst tu påås for en famili foon fiiw manschne än en påår tiire. Tu dåt hüs hiirt en tün. Dåt hüs lait önj e tün. Et as en hüs ma booghüs än bousem uner ån tååge. Di tååge as üt räide. Et as en räidetååge. Aw e frast foon e tååge lade süüdje. Üt e frast kiiket e schoostiijnj. Jü sööderdöör as en dööweldöör. As jü deelerdöör tu än jü boowerdöör ääm, koon huum meeklik ouer jü deelerdöör hinge än ma en näiber snååke unti önjt wääder kiike. Da waninge hääwe latje rüte. Önj e bousem sate bousemwaninge. Trinamt hüs låpt en stiinjbru üt bålstiine. Et as en bålstiinjbru. Önj e tün wákse buume, strüke än kröle. Aw e bliikerplåts (roosen) wákset gräin gjars. Iir boogeden maning manschne önj iinj latj hüs, än kiikeden da bjarne naischäri döört waning, wan fråmde kömen, dan sää huum: „Döör da rüte kiike maning latje snüte“.

(In: IPTS [= IQSH] (Hg.). 1999. *Handreichungen für den Friesischunterricht*, Bd. 3. Kronshagen. S. 52.)